



Universitätsbibliothek Paderborn

Historiae Ecclesiasticae Pars ...

HISTORIAE EC||CLESIASTICAE PARS || PRIMA, QVA CONTI-||NENTVR ||
Eusebij cognomento Pamphili Cæsareæ Palæ-||stinæ Episcopi lib. 10.||
Eiusdem de vita Constantini magni lib. 4.|| Oratio Constantini magni ad
sanctoru[m] cœtu[m].|| Oratio eiusdem Eusebij in laudem Constanti-||ni
magni ad trigesimum ...

Christopherson, John

[Köln], 1569

Praefatio In Orationem De Lavdibvs Constantini Magni.

urn:nbn:de:hbz:466:1-29861

¶ Hæc quæ sequitur oratio nunquam
hactenus vel Græcè vel Latine im-
pressa est.

PRAEFATIO IN ORATIO-
NEM DE LAVDIBVS CON-
stantini Magni.

CAUSAM mihi in hunc locum veniendi, amici &
sacerdotes Dei, non fuit illa quidem vt fabularum
commentis, aut sermonis elegantia ad auras capi-
endas conquisita, tanquam suavi Syrenum cantu vestros
animos permulcerem, aut vt aureis poculis, vti poetice lo-
quar, id est, nitidis orationis flosculis concinna verborum
structura collustratis, voluptatis lenocinia his, qui eiusmodi
rebus oblectantur, proponerem, sed partim vti vos qui
sapientum consilio inducti, sancti Dei verbi ministri estis,
commonerem in concionando, vt tum à tritis illis rhe-
torum vjs deflectatis declinetisq, tum sedulo caueatis, ne
vestrum sermonem ad imperitæ multitudinis accommo-
detis arbitriū, partim vt nouo orationis genere apud vos
imperatoris laudes percelebrarem. Et quanquam infiniti
ferè alij idem ipsum iter ad eius virtutes prædicandas
mecum ire contendunt, ego tamen hominum vestigia vi-
tans, viam inusitatam ac minimè tritam insistam, quam
quidem illotis pedibus ingredi nefas est, vt alij populare
dicendi genus, & puerilibus argutjs confertum conse-
ctantes, lepidamq, orationis amplectentes concinnitatem,
mortalium aures narrationibus de rebus mortalibus &
caducis institutis decliniant, primasq, deferant voluptati:
ipsius tamen sapientia, quæ per omnia manat ac fundi-
tur, professores, vt pote diuinarum humanarumq, rerum
scien-

scientiam consecuti, quoniam rei præstantioris delectum in boni loco numerant, idcirco diuinas imperatoris virtutes, & pia eius in Deum officia, longè illis, quæ erga homines præstitit, anteponunt, resq; eas, quæ secundas obtinent in bonis, secundæ classis rhetoribus prædicandi, faciunt potestatem. Itaque cum sapientia quæ in imperatoris animo insita est, in rerum tam diuinarum quam humanarum cognitione cernatur, atque illæ videntur ad Deum, hæ autem ad homines spectare, hi qui extra sacrarum literarum quasi ambitus consistunt, rerum humanarum ad imperatoris laudes pertinentium prædicationem, modò sint ad illud munus idonei, sibi tractandam sumant: quæ quanquam & splendoris excellentiaq; plurimum, & fructus utilitatisq; non minus (omnia enim, quæ in imperatore cernuntur, sunt planè eximia) in se complectuntur, tamen diuinis illis virtutibus, quibus mens eius imbuta est, sunt longè inferiores. Qui autem in sacrosanctos diuini eloquij cancellos intrarint, eiusdemq; adyta fuerint, & inaccessa penetralia ingressi, hi quasi portas illius profanis auribus ocludentes, arcanas imperatoris imitationes, istarum rerum duntaxat professoribus explicare aggrediantur. Qui porro aures pietatis rimulis perpurgatas, & intelligentiam, aeris, ut ita dicam, ipsius animi alis habeant in sublimi defixam, in laudibus summi omnium regis & moderatoris celebrandis insistant, tacitiq; diuina mysteria obeant. Nos verd ex vatum oraculis, quæ diuini spiritus sancti luminis ædita sunt, non autem ex illis quæ à diuinatione, ne dicant dementi insania, profecta sunt, perfectorum mysteriorum, quæ traduntur de ipso cælesti regno, de imperatore omnium summo, de diuino satellitum agmine, quo summus ille imperator stipatus est, de vero & perfecto, deq; falso

*Videntur
rhetores
intelligere,
qui in
studio solum
humana
nitatis
versantur.*

*Ministros
verbi &
sacræ scri-
pturæ præ-
sesores
intelligit*

PRAEFATIO.

Specie solum adumbrato imperandi modo qui in terris
existit, denique de his quae utrumque ordinem conse-
quuntur, explicationem depromamus. Haec igitur ad
istarum rerum decus illustrandum: pie sancteq,
praefati, deinceps ad divina myste-
ria explicanda aggre-
diamur.

EVSE-